

КОМИ РЕСПУБЛИКАСА КОМИ КЫВ КОМИССИЯЛӨН

2011 вося ода-кора төлысь 26 лун

18 №-а

СЁРНИГИЖӨД

Волісны: Марков В.П., Цыпанов Е.А., Козулина С.Г., Безносикова Л.М., Бутырева Г.В., Карманова А.Н., Коснырева Е.Г., Макарова Н.Д., Попова Н.А.

Видлалісны да шуисны:

1. Роч кывъя текст вуджөдны таdzi:

Регламент Правительства Республики Коми – Коми Республикаса
Веськөдлан котырлөн Уджаланарт;

Регламент Государственного Совета Республики Коми – Коми
Республикаса Каналан Сөветлөн Уджаланарт.

Видлалісны да сөгласуйтісны Коми Республикаса Оланподулысь 90 (5 п.) - 94 статьяяс:

5) инөд серти вермө вөзйыны меставывса асвеськөдлан органлы, меставывса асвеськөдлан бөрйөм либө мөд чина мортлы вайөдны өтвэйө Россия Федерацияса оланпастэчаскөд наөн йөзөдөм инөда актъяссө, индөм актъясыс кө мунөны паныд Россия Федерацияса Оланподувлы, федеральнөй оланпасьяслы да Россия Федерацияса мукөд нормативнөй инөда актлы, Коми Республикаса Оланподувлы, Коми Республикаса оланпасьяслы да Коми Республикаса мукөд нормативнөй инөда актлы, а сідзжө инөд серти вермө шыөдчыны ёрдө;

5-1) □вынсьөдө Коми Республикаса олөмө пөртысь власьт органъясөн меставывса асвеськөдлан органъяслысь торья уджмогъяс недыр кадколастө збыльмөдөм йылысь шуөм федеральнөй оланпас серти;

(5-1 п. пыртөма 2007.11.08 лунся 93-РЗ №-а КР Оланпасөн)

6) киритөма. – 2003.12.01 лунся 72-РЗ №-а Оланпас;

7) вынсьödö панассö Коми Республикаса министерствояслысь, Коми Республикаса олöмö пöртысь власьтлөн мукöд органлысь да котыртö найöс;

8) урчитö Коми Республикаса олöмö пöртысь власьтлысь мутас органьяс котыртан ног;

9) вынсьödö Коми Республикаса Веськöдлан котырлысь Уджаланарт;

10) пöртö олöмö федеральной оланпасьясөн, Коми Республикаса Оланподулөн да Коми Республикаса оланпасьясөн урчитöм, а сідзжö олöмö пöртысь власьтлөн федеральной органьяскöд артмöдчöмьясөн урчитöм мукöд уджмог.

Коми Республикаса Веськöдлан котыр Россия Федерацияса Оланподув, федеральной оланпасьяс, Россия Федерацияса нормативной инöда актьяс, Коми Республикаса Оланподув да Коми Республикаса оланпасьяс подув вылö мыджсьöмөн да найöс збыльмöдöм могысь лэдзö шуöмьяс да тшöктöмьяс, кодьясöс быть колö пöртны олöмö Коми Республика пасьтала.

91 статья

Коми Республикаса министерствояс да олöмö пöртысь власьтлөн мукöд орган лоöны Коми Республикаса каналан власьтлөн олöмö пöртысь пыр уджалан органьясөн да найöс лöсьödö Коми Республикаса Веськöдлан котыр.

Коми Республикаса министерствояслысь да олöмö пöртысь власьтлөн мукöд органлысь инöда статуссö урчитöма Коми Республикаса Оланподув серти Коми Республикаса оланпасөн да Коми Республикаса министерствояслөн да олöмö пöртысь власьт мукöд органлөн Коми Республикаса Веськöдлан котырөн вынсьödöм панасьясөн.

6 юрпас. МЕСТАВЫВСА АСВЕСЬКÖДЛÖМ

(2005.05.17 лунся 47-РЗ №-а КР Оланпаслөн редакцияын)

92 статья

Меставывса асвеськӧдлӧм пӧртсьӧ олӧмӧ Коми Республикаса мутас пасьтала кар, сикт овмӧдчӧминьясын, муниципальной районьясын, кар кытшьясын.

Муниципальной юкӧнъяслӧн мутас, тэчас, статус, административной шӧрин да мудор индысьӧны да вежсьӧны Коми Республикаса оланпасьясӧн Россия Федерацияса оланпастэчасӧн да Коми Республикаса оланпастэчасӧн индӧм ног серти.

Меставывса асвеськӧдлӧм олӧмӧ пӧртӧм могысь лӧсьӧдӧны муниципальной юкӧнса бӧрйӧм орган, муниципальной юкӧнса олӧмӧ пӧртан-тшӧктан орган, бӧрйӧны муниципальной юкӧнса юралысьӧс, а сідзжӧ вермӧны лӧсьӧдыны муниципальной юкӧнса подувпуктас серти меставывса асвеськӧдлан мукӧд орган.

Муниципальной юкӧнса юралысь лӧӧ муниципальной юкӧнын медвылыс чина морт да сылы муниципальной юкӧнса подувпуктасӧн оланпастэчас серти сетӧма ас уджмогьяс меставывса тӧдчанлуна могьяс видлалӧм вылӧ.

Лӧсьӧдан ног, уджмогьяс, уджмог кадколаст, кодӧ кодлы сетӧ отчет, кодӧ код бӧрся видзӧдӧ, а сідзжӧ меставывса асвеськӧдлан органьясӧс котыртӧмын да налӧн уджын мукӧд могсӧ индӧ муниципальной юкӧнса подувпуктас оланпастэчас серти.

Комиссияӧн веськӧдлысь

В.П.Марков

Комиссияӧн веськӧдлысьӧс вежысь

С.Г.Козулина

Кывкутысь секретар

Е.Г.Коснырева